

糞故也。煇銅者。故燒器。其長老唯別煇銅聲。以物杵之。徐聽其聲。得煇毒者。偏鑿取。以為箭鏑。

冶鳥

越地深山。有鳥如鳩。青色。名曰冶鳥。穿大樹作巢。如升器。其戶口徑數寸。周飾以土。至赤白相次。狀如射侯。伐木見此樹。即避之。去或夜冥。人不見鳥。鳥亦知人。不見已也。鳴曰。咄咄。去明日。便宜急上樹。去咄咄。去。明日便宜急下。若使去。但言笑而已。若可止伐也。若有穢惡及犯其止者。則虎通夕來守。人不知者。即害人。此鳥白日見其形。鳥也。夜聽其鳴。人也。時觀樂。便作人悲喜。形長三尺。澗中取石蟹。就人火間炙之。不可犯也。越人謂此鳥為越祝之祖。

徐偃王

徐偃王志云。徐君宮人娠而生卵。以為不祥。棄之水濱。獨孤母有犬。名鶻。蒼獵於水濱。得所棄卵。銜以東歸。獨孤母以為異。覆煖之。遂螻成兒。生時正偃。故以為名。徐君宮中聞之。乃更錄取。長而仁智。襲君徐國。後鶻蒼臨死。生角而九尾。實黃龍也。偃王又葬之徐界中。今見存。

千日。

麟

天門郡有幽山峻谷。而其土人有從下經過者。忽然踊出林表。狀如飛僊。遂絕迹。年中如此甚數。遂名此處為僊谷。有樂道好事者。入此谷中。洗沐以求飛僊。往往得去。有長意思人。疑必以妖怪。乃以大石自墜。牽一犬入谷中。犬復飛去。其人還告鄉里。募數十人。執杖攜山草。伐木至山頂觀之。遙見一物長數十丈。其高隱人耳。如簸箕。格射刺殺之。所吞人骨積此。有有成封。麟開口。廣丈餘。前後失人。皆此麟氣所噓。於是此地遂安穩無患。

續弦膠

漢武帝時。西海國有獻膠。五兩者。帝以付外庫。餘膠半兩。西使佩以自隨。後從武帝射於甘泉宮。帝弓弦斷。從者欲更張弦。西使乃進。乞以所送餘香膠續之。座上左右莫不怪。西使乃以口濡膠。為以仕斷絃。兩頭相連。注弦。遂相著。帝乃使力士各引其一頭。終不相離。西使曰。可以射終日不斷。帝大怪。左右稱奇。因名曰續弦膠。

舊小說 甲集 漢魏六朝

狗龍偃王既主其國。仁義著聞。欲舟行上國。乃通溝陳蔡之間。得朱弓矢。以己得天瑞。遂因名為弓。自稱徐偃王。江淮諸侯皆伏從。伏從者三十六國。周王聞。遣使乘駟。一日至楚。使伐之。偃王仁。不忍殘害其民。為楚所敗。逃走彭城。武原縣東山下。百姓隨之者以萬數。後遂名其山為徐山。山上立石室。有神靈。民入祈禱。今皆見存。

二小兒辨日

孔子東遊。見二小兒辯鬪。問其故。一小兒曰。我以日始出時。去人近。而日中時遠也。一小兒曰。以日出而遠。而日中時近。一小兒曰。日初出時。大如車蓋。及日中時。如盤盂。此不為遠者小而大者近乎。一小兒曰。日初出。滄涼涼。及其中而探湯。此不為近者熱而遠者涼乎。孔子不能決。兩小兒曰。孰謂汝多知乎。

劉玄石

昔劉玄石於中山酒家酤酒。酒家與千日酒。忘言其節度。歸至家。當醉而家人不知。以為死也。權葬之。酒家計千日滿。乃憶玄石前來酤酒。醉向醒耳。往視之。云玄石亡。來三年已葬。於是開棺。醉始醒。俗云玄石飲酒一醉。

猛獸

漢武帝時。大宛之北。胡人有獻一物。大如狗。然聲能驚人。雞犬聞之皆走。名曰猛獸。帝見之。怪其細小。及出苑中。欲使虎狼食之。虎見此獸。即低頭著地。帝為反觀。見虎如此。欲謂下頭作勢。起搏殺之。而此獸見虎。甚喜。舐唇搖尾。徑往虎頭上立。因擲虎面。虎乃閉目低頭。匍匐不敢動。擲鼻下去。下去之後。虎尾下頭起。此獸顧之。虎輒閉目。

列異傳

泰山黃原

張華

漢時泰山黃原。平日閉門。忽見一青犬。在門外伏。守備如家養。原繼犬隨鄰里獵。日垂夕。見一鹿。便放犬。犬行甚遲。原絕力。遂終不及。行數里。至一穴。入百餘步。忽有平衢。槐柳列植。垣牆迴匝。原隨犬入門。列房可有數十間。皆女子姿容妍媚。衣裳鮮麗。或撫琴瑟。或執博。甚至北閣。有三間屋。二人侍直。若有所伺。見原相視而笑。云此青犬所引。至妙音婿也。一人留一人入閣。須臾有四婢出。稱太真夫人。白黃郎有一女。年已弱笄。冥數應為。

七十五